

## Inno a San Giuseppe

Iste, quem læti cólimus, fidéles  
cuius excélsos cánimus triúmphos,  
hac die Ioseph méruiť perénnis  
gáudia vitæ.

O nimis felix, nimis o beátus,  
cuius extrémam vígiles ad horam  
Christus et Virgo simul astitérunt  
ore seréno.

Iustus insígnis, láqueo solúťus  
carnis, ad sedes plácido sopóre  
migrat ætéernas, rutilisque cingit  
témpera sertis.

Ergo regnántem flagitémus omnes,  
adsit ut nobis, veniámque nostris  
óbtinens culpís, tríbuat supérnæ  
múnera pacis.

Sint tibi plausus, tibi sint honóres,  
trine qui regnas Deus, et corónas  
áureas servo tríbuis fidéli  
omne per ævum. Amen.